



資治通鑑卷第二百八十八

端明殿學士兼翰林侍讀學士太中大夫提舉西京嵩山崇福宮上柱國河內郡開國公食邑二千六百戶食實封壹仟戶臣司馬光奉

勅編集

後學天台胡三省音註

後漢紀三

起著雍涖灘二月盡屠維作噩凡一年有奇

高祖睿文聖武昭肅孝皇帝下

乾祐元年三月丙辰史弘肇起復加兼侍中 侯益

家富於財厚賂執政及史弘肇等由是大臣爭譽之

執政謂蘇逢吉楊邠等皆當時大臣也譽音余

丙寅以益兼中書令行開封

尹行者行尹事

改廣晉為大名府

左傳晉卜偃曰魏大名也取以

各府晉昌軍為永興軍

以革晉命故改廣晉與晉昌

矣益盛毀王

景崇於朝言其恣橫

侯益以王景崇欲殺已幸免而歸朝故毀之橫戶孟翻

景

崇聞益尹開封知事已變內不自安且怨朝廷

怨朝廷不

能體先帝遺旨反聽侯益之讒也

會詔遣供奉官王益如鳳翔徵趙

匡贊牙兵詣闕趙思綰等甚懼

趙思綰趙匡贊牙校也見上卷

景崇

因以言激之思綰途中謂其黨常彥卿曰小太尉已

落其手

趙思綰等本趙延壽部曲故呼匡贊為小太尉言匡贊入朝為已落漢人之手也

吾

屬至京師并死矣柰何彥卿曰臨機制變子勿復言

復扶又翻

癸酉至長安永興節度副使安友規巡檢喬守

溫出迎王益置酒於客亭

諸州鎮皆有客亭以爲迎送宴餞之所

思綰

前白曰壕寨使已定舍館於城東

壕寨使掌營造浚築及次舍下寨

今將士家屬皆在城中

趙思綰部兵先從趙匡贊鎮長安故家屬在城中

欲

各入城挈家詣城東宿友規等然之時思綰等皆無

鎧仗既入西門有州校坐門側思綰遽奪其劍斬之

其徒因大譟持白挺

校戶教翻挺徒鼎翻

殺守門者十餘人分

遣其黨守諸門思綰入府開庫取鎧仗給之友規等

皆逃去思綰遂據城集城中少年得四千餘人繕城

隍葺樓堞旬日間戰守之具皆備

少詩照翻葺七入翻堞達協翻王

景崇諷鳳翔吏民表景崇知軍府事朝廷患之甲戌

徙靜難節度使王守恩為永興節度使

欲以制趙思綰難乃旦翻

徙保義節度使趙暉為鳳翔節度使

欲以制王景崇

並同平

章事以景崇為邠州留後令便道之官虢州伶人靖

邊庭殺團練使田令方驅掠州民奔趙思綰

靖姓也優伶之

名與姓通取一義所以為謹也何氏姓苑曰靖姓齊靖鄭君之後風俗通曰靖姓單靖公之後也

至

潼關

虢州西北至潼關百有餘里

潼關守將出擊之其眾皆潰

初契丹主北歸至定州

契丹主德光北歸死於殺胡林此謂兀欲北歸至定州也

以義武節度副使邪律忠為節度使徙故節度使孫

方簡為大同節度使

晉齊王開運三年契丹主德光以孫方簡為義武節度使

異曰實錄方簡作方諫按方簡避周諱改各方諫實錄誤也

方簡怨恚且懼入朝

為契丹所留遷延不受命患於避翻朝直遙翻帥其黨三千人

保狼山故寨孫方簡兄弟保狼山見二百八十卷晉開運三年帥讀曰率下同控守

要害契丹攻之不克未幾遣使請降幾居豈翻帝復其舊

官以扞契丹復以為義武節度使邪律忠聞鄴都既平去年十一月杜

重威降鄴都平事見上卷常懼華人為變詔以成德留後劉在明

為幽州道馬步都部署使出兵經略定州未行忠與

麻荅等焚掠定州悉驅其人弃城北去定州東至鎮州止隔祁州

耳契丹聞鎮州將出兵故弃城而去孫方簡自狼山帥其眾數百還據

定州又奏以弟行友為易州刺史方遇為泰州刺史

每契丹入寇兄弟奔命奔命者奔走以救急也契丹頗畏之於

是晉末州縣陷契丹者皆復爲漢有矣丙子以劉在

明爲成德節度使麻荅至其國契丹主責以失守麻

荅不服曰因朝廷徵漢官致亂耳謂徵馮道等也事見上卷上年契

丹主鵠殺之蘇逢吉等爲相多遷補官吏楊邠以

爲虛費國用所奏多抑之逢吉等不悅中書侍郎兼

戶部尚書同平章事李濤上疏言今關西紛擾外禦

爲急上時掌翻二樞密皆佐命功臣官雖貴而家未富宜

授以要害大鎮李濤之疏承蘇逢吉之意也二樞密謂楊邠郭威樞機之務

在陛下目前易以裁決易以鼓翻逢吉禹珪自先帝時任

事皆可委也楊邠郭威聞之見太后泣訴稱臣等從

先帝起艱難中今天子取人言欲弃之於外况關西

方有事

謂岐雍舉兵反

臣等何忍自取安逸不顧社稷若臣

等必不任職乞留過山陵太后怒以讓帝曰國家勲

舊之臣柰何聽人言而逐之帝曰此宰相所言也因

詰責宰相

詰去古翻

濤曰此疏臣獨爲之它人無預丁丑

罷濤政事勒歸私第

爲將相交惡張本

是日邠涇同華四

鎮

邠帥王守恩涇帥史匡威同帥張彥威華帥扈從珂華戶化翻

俱上言護國節度

使兼中書令李守貞與永興鳳翔同反

趙思綰據永興王景崇據

鳳翔始守貞聞杜重威死而懼

杜重威死見上卷是年正月

陰有異

志自以晉世嘗爲上將有戰功

李守貞破契丹於馬家口而克青州又破

契丹於陽城其功不細

素好施得士卒心好呼到翻施式毀翻

漢室新造

天子年少初立

少詩照翻

執政皆後進有輕朝廷之志乃

招納亡命養死士治城塹繕甲兵晝夜不息遣人間

道齋蠟丸結契丹屢為邊吏所獲

治直之翻間古覓翻

浚儀人

趙修己素善術數

舊唐書地理志浚儀故縣隋置在

於州北羅城內貞觀元年移於州西一里後治郭下

自守貞鎮滑州署司戶參

軍累從移鎮

晉開運初李守貞鎮義成後徙鎮泰寧天平歸德至是鎮護國為亂

為守

貞言時命不可勿妄動

偽為于翻

前後切諫非一守貞不

聽乃稱疾歸鄉里僧揔倫以術媚守貞言其必為天

子守貞信之又嘗會將佐置酒引弓指舐掌虎圖曰

吾有非常之福當中其舌一發中之

砥直氏翻中竹仲翻

左右

皆賀守貞益自負會趙思綰據長安奉表獻御衣於

守貞守貞自謂天人協契乃自稱秦王遣其驍將平

陸王繼勳據潼關

舊唐書地理志陝州平陸縣隋之

李齊物開三門石下得戟大刀有平陸篆字因以思

綰為晉昌節度使同州距河中最近

河中府西至同州六十里耳

匡國節度使張彥威

考異曰周太祖實錄作彥威蓋避周祖諱薛史因之今從廣

本常詞守貞所為

又詞古求翻

奏請先為之備詔滑州

馬軍都指揮使羅金山將部兵戍同州故守貞起兵

同州不為所併金山雲州人也定難節度使李彝

穀發兵屯境上奏稱去三載前難乃旦翻羌族唃母

龍龕手鏡唃音夜母讀如謨殺綏州刺史李仁裕叛去請討之慶

州上言請益兵爲備以備羌也詔以司天言今歲不利先

舉兵諭止之夏四月辛巳陝州都監王玉奏克復

潼關監古街翻帝與左右謀以太后怒李濤離間間古覓翻

欲更進用二樞密以明非帝意左右亦疾二蘇之專

欲奪其權共勸之二樞密楊邠郭威二蘇逢吉禹珪壬午制以樞密

使楊邠爲中書侍郎兼吏部尚書同平章事樞密使

如故以副樞密使郭威爲樞密使又加三司使王章

同平章事凡中書除官諸司奏事帝皆委邠斟酌自

是三相拱手

三相寶貞固蘇逢吉蘇禹珪

政事盡決於邠事有未

更邠所可否者

更工衡翻經也

莫敢施行遂成凝滯三相每

進擬用人苟不出邠意雖簿尉亦不之與邠素不喜

書生

喜許記翻

常言國家府廩實甲兵彊乃為急務至於

文章禮樂何足介意既恨二蘇排已

以其使李濤上疏請出二樞密

為外鎮也

又以其除官太濫為眾所非欲矯其弊由是艱

於除拜士大夫往往有自漢興至亡不霑一命者

此

謂士大夫指言内外在官之人命言漢朝之命

凡門蔭及百司入仕者悉罷

之

門蔭謂任子也百司入仕所謂流外也

雖由邠之愚蔽時人亦咎二

蘇之不公所致云

以鎮寧節度使郭從義充永興

行營都部署將侍衛兵討趙思綰戊子以保義節度

使白文珂為河中行營都部署內客省使王峻為都

監辛卯削奪李守貞官爵命文珂等會兵討之乙未

以寧江節度使侍衛步軍都指揮使尚洪遷為西面

行營都虞候寧江軍夔州時屬蜀境尚洪遷遙領也王景崇遷延不

之邠州閱集鳳翔丁壯詐言討趙思綰仍牒邠州會

兵王景崇欲并岐邠之兵以舉事契丹主如遼陽漢遼東郡有遼陽縣大梁水與

遼水會處也契丹於此置遼陽府歐史自黃龍府西北行一千三百里至遼陽府契丹之東京

舊勃海地距燕京二千五百一十里故晉主與太后皇后皆謁見見賢遍翻

有禪奴利者契丹主之妻兄也聞晉主有女未嫁詣

晉主求之晉主辭以幼後數日契丹主使人馳取其

女而去以賜禪奴 王景崇遺蜀鳳州刺史徐彥書

求通互市遺唯季翻壬戌蜀主使彥復書招之 契丹主

留晉翰林學士徐台符於幽州徐台符從契丹主北去見上卷上年台

符逃歸 五月乙亥滑州言河決魚池魚池地名河決之後謂之

魚池六月戊寅朔日有食之 辛巳以奉國左廂

都虞候劉詞去河中行營馬步都虞候 乙酉王景

崇遣使請降于蜀亦受李守貞官爵 高從誨既與

漢絕見上卷天福十二年北方商旅不至境內貧乏乃遣使上

表謝罪乞修職貢詔遣使慰撫之 西面行營都虞

通鑑卷一百八十八
侯尚洪遷攻長安傷重而卒

卒子恤翻

秋七月以工部

侍郎李穀充西南面行營都轉運使

爲李穀見親任於周朝張本

庚申加樞密使郭威同平章事

蜀司空兼中書侍

郎同平章事張業性豪侈強市人田宅

以威力臨人畏其威力

不得已而就與爲市是爲強市

藏匿亡命於私第置獄繫負債者或

歷年至有瘐死者

蘇林曰瘐病也囚徒病律名爲瘐如瀉曰律囚以飢寒死曰瘐音勇

主其子檢校左僕射

繼昭好擊劍

好呼嘗與僧歸信

訪善劍者右匡聖都指揮使孫漢韶與業有隙密告

業繼昭謀反翰林承旨李昊奉聖控鶴馬步都指揮

使安思謙復從而譖之

復扶又翻

甲子業入朝蜀主命壯

士就都堂擊殺之下詔暴其罪惡籍沒其家樞密使

保寧節度使兼侍中王處回亦專權貪縱王處回以節兼侍中

不在閬州賣官鬻獄四方饋獻皆先輸處回次及內府此

謂四方止以蜀之境上言之家貲巨萬子德鈞亦驕橫橫戶孟翻張業

既死蜀主不忍殺處回聽歸私第處回惶恐辭位以

爲武德節度使兼中書令王處回亦不得至梓州蜀主欲以普

豐庫使高延昭茶酒庫使王昭遠爲樞密使普豐茶酒二庫

使皆蜀所置以其名位素輕乃授通奏使知樞密院事通奏

使亦蜀所置昭遠成都人幼以僧童從其師入府蜀高祖

愛其敏慧令給事蜀主左右至是委以機務府庫金

帛恣其取與不復會計

復扶又翻會古外翻至于宋興蜀主遂以用王昭遠亡國

戊辰以郭從義爲永興節度使白文珂兼知河中

行府事

時郭從義討長安就以永興節授之白文珂討河中因使之知行府事

蜀主

以翰林承旨尚書左丞李昊爲門下侍郎兼戶部尚

書翰林學士兵部侍郎徐光溥爲中書侍郎兼禮部

尚書並同平章事

蜀安思謙謀盡去舊將

去羌呂翻

又

諧衛聖都指揮使兼中書令趙廷隱謀反欲代其位

夜發兵圍其第會山南西道節度使李廷珪入朝極

言廷隱無罪乃得免廷隱因稱疾固請解軍職甲戌

蜀主許之

史言蜀主以新聞舊

鳳翔節度使趙暉至長安乙